



از طریق برنامه زیبون انگلیسی بلده مهاجرین بزرگسال، انگلیسی یاد بیگرن (Adult Migration (English Program

Adult Migration English Program

انگلیسی زیبون ملی استرالیا است. گرچه مردم استرالیا ده بسیار زیبونا توره موگن، اما بیافتند و توره گفتو ده انگلیسی بلده شومو کمک موشه که ده زندگی استرالیا مکمل شریک بشین. بی غیر انگلیسی، بلده از شومو سخت موشه که تابعیت استرالیا ره بیگرن و از دیگه خدمات مهم استفاده کنین، یا که مستقل شوین.

بلده کمک قنچیغه انگلیسی یاد گرفتو، شومو شاید که بیفتید ده Adult Migrant English Program (AMEP) شرکت کنید.

AMEP چیز خیله؟

AMEP توسط دولت استرالیا (Australian Government) تمویل شده و تا ۵۱۰ ساعت درس زیبون انگلیسی بلده مهاجرین و کسایی که ویزا های بشردوستانه درن ارائه مونه. اگه بلده شومو کورم ویزای دائمی و یا کورم ویزه موقتی واجد شرایط داده شده بشه و شومو هیچ انگلیسی توره گفته نمیتید یا کم توره موگید، شاید بلده AMEP واجد شرایط بشید. بعضی مهاجرین جوان بین ۱۵ تا ۱۷ ساله هم شاید واجد شرایط بشن.

ده یک صنف AMEP شومو مهارت های زیبون انگلیسی و مالومات ده باره جامعه استرالیا ره یاد میگرن. شومو قنچیغه دیگه کسایی که تازه امتن آشنا موشین و شاید هم که رفیق های نو پیدا کنین. پک ازینا بلده از شومو و خانواده شومو کمک مونه تا موفقانه ده استرالیا جابجای شوین. اگه میخواستین که ده استرالیا کار کنین، زیبون انگلیسی بلده شومو خیلی مهم است.

AMEP توسط موسسات خدماتی تأیید شده، بلده شومو ارایه موشه و معلم های شی بلده یاد دادن زیبون انگلیسی ده شاگردایی غیر انگلیسی زیبون آموزش دیده استن.

چی رقم نامنویس کنم؟

بلده صنف های زیبون انگلیسی از طریق AMEP، شومو باید که قنچیغه یک موسسه خدماتی تأیید شده AMEP، ده بین شش ماه از رسیدن ده استرالیا و یا باد از روز اول ویزه خود، نامنویس کنین. و صنف های انگلیسی ره ده بین ۱۲ ماه باد از رسیدن خود ده استرالیا و یا از روز اول ویزه خود، شروع کنین.

شومو از وقت رسیدن خود ده استرالیا یا از اول ویزه خود، پنج سال وقت درین تا از طریق AMEP انگلیسی یاد بیگرن. شومو همچنان شاید بلده درس های اضافی نظر به نیاز شومو واجد شرایط بشین.

همراه پروگرام انگلیسی بلده مهاجرین بزرگسال انگلیسی یاد بیگیرید

مؤسسات خدماتی شومو، قنجیغه شومو کمک مونه تا یک صنف ره انتخاب کنید که ده نیاز های شومو سر بوخره و بهترین نتیجه ممکن ره بلده شومو دیشته شه. صنف های تمام-وقت و نیمه-وقت ده وقت ها و جاهای متخلف وجود دره تا شومو هر جای و زمانی که ده شرایط شومو سر موخره، درس بخوانین.

صنفها و برنامه های درسی

از خاطر نیاز های شومو، مؤسسات خدماتی AMEP بلده شومو کمک مونه تا از بین دو نوع صنف های درسی انتخاب کنین.

- برنامه زیبون انگلیسی پیش از کار کدو – بلده کساییکه که میخوان انگلیسی درست یاد بیگرن از خاطر کار کدو، و یا هم بلده ادامه تحصیل که در آینده منجر به اشتغال پایدار شونه.
- برنامه زیبون انگلیسی اجتماعی – بلده کساییکه که میخوان توانایی های انگلیسی روزمره خوره رشد ببین تا که ده بین جامعه و مردم اشتراک کده و اعتماد به نفس پیدا کده ده بین جامعه محلی خود به شکل مستقل زندگی کنن.

شومو میتنید ۵۱۰ ساعت تعیین شده خوره، در هر کدام از ی برنامه ها یا ترکیب از هر دو، استفاده کنین.

مشتریانی که پرداخت عاید کمکی (income support payment) و شرایط مسئولیت متقابل (mutual obligation requirements) درن بلده برنامه درسی انگلیسی اجتماعی، واجد شرایط نیستن.

اگه ده صنف نروم، چیز خیل موشه؟

اگه ده صنف رفته نمیتنید، قنجیغه موسسه خدماتی AMEP خو توره بوگین. موسسه خدماتی ممکن بیتنه ده شومو کمک کنه و شومو توسط یک معلم خانگی یا از طریق آنلاین توسط استاد-کمکی AMEP و از راه دور انگلیسی یاد بیگیرید.

شومو همچنان میتنید، قنجیغه خودگون خو از طریق [self-paced e-learning modules] ده www.amepdl.net.au هم انگلیسی بخوانید. ای خدمات مجانی بلده همگی (نه تنها مشتریان AMEP) قابل دسترس استه تا ده مردم کمک کنه انگلیسی یاد بیگرن.

پروگرام های فرعی AMEP

اگه شومو کودم نیاز مندی ویژه درین، ممکن استه بلده صنف های اضافی واجد شرایط بشین.

پروگرام آمادگی مخصوص (Special Preparatory Program)

پروگرام آمادگی مخصوص Special Preparatory Program (SPP) ساعت ها و کمک های اضافی ره پیشنهاد مونه بلده دارندگان ویژه بشردوستانه که واجد شرایط بشن و تجارب سخت قبل از مهاجرت یا محدودیت های آموزشی ره تجربه کده بشن.

آموزش انگلیسی برای امکانات استخدام، درس خاندو و ساکن شودو (Settlement Language Pathways to Employment and Training)

پروگرام یادگیری زیبو برای راه های استخدام، آموزش و ساکن شودو (Settlement Pathways to Employment and Training Language (SLPET)) بلده شاگردای واجد شرایط، کورس های متمرکز به استخدام ره پیشنهاد مونه تا ده ازونا کمک شونه انگلیسی مسلکی یاد بیگرن، ده عین حالیکه با محیط، فرهنگ و طریقه کار در استرالیا آشنا شون.

برنامه SLPET تا ۲۰۰ ساعت اضافی درس انگلیسی مسلکی ارائه مونه، که ۸۰ ساعت کار عملی ده محدوده صنایع مختلف کاری ره هم شامل موشه.

AMEP تمدیدی (AMEP Extend)

پروگرام AMEP Extend تا ۴۹۰ ساعت های آموزش اضافی ره پیشنهاد مونه بلده شاگردای واجد شرایطی که ۵۱۰ ساعت تعیین شده ره پوره کده اما ده اهداف یادگیری انگلیسی خو نرسیده بشن.

نگهداری اطفال AMEP (AMEP child care)

شومو وقتی که ده کلاس شرکت مونید، موسسه خدماتی AMEP میتنه بلده اولادای شومو نگهداری اطفال (چایلد کییر) مجانی ارایه کنه. چایلد کییر مجانی تنها بلده طفلائی استه که ده زیر سن مکتب استن.

مشوره بلده یافتون مسیر AMEP (AMEP pathway guidance)

موسسه خدماتی AMEP بلده شومو ده تعیین کدون اهداف، درک کدون گزینه ها، و تصمیم گرفتنو بلده کلاسها، فرصت های ادامه تحصیل، و فرصتهای کاری مشوره ارایه مونه.

بلده مالومات بیشتر

جزئیات تماس	AMEP
۱۳۳۸۷۳	تلفن
www.education.gov.au/amep	وبسایت AMEP
skilling@education.gov.au	آدرس ایمیل
www.education.gov.au/amep-information-other-languages	مالومات ده باره زبان های غیر انگلیسی
www.education.gov.au/adult-migrant-english-program-service-providers	ده کجا میتنوم انگلیسی یاد بیگروم؟ موسسات خدماتی و مراکز آموزشی AMEP
www.amepdl.net.au	AMEP آنلاین